

石田先生文集卷第四

五言絕句

雪中登郡城西亭十首

五言絕句

晴雲上層臺娟娟撫脩林雜佩遺江妃遠響聽幽禽

澗谷垂寒藤冰光見魚影歲暮風雪交敲瓶煮茶茗

梅蕊發寒樹孤芳寄江沙忽得雲母屏光色陵歲華

燎桂熏我衣出逢歲寒友澗壑多幽陰觴酒且擊缶

飛花墮橫塘鏡影照宮額天路韶華管吹香慰幽客

石路屐齒滑天風吹高寒花明喜珠綴竹瘦愁露溥

日讀種樹書自喜豐年瑞籃輿行田間相勞興嗣歲

元跡行可尋馬力寒亦幼馳獵意已銷獨坐有嘯咏  
楚甸無層冰霰深土膏濕更憐三角湖澄澈瑩寒碧  
濛濛醫江嶼熾舡夜問酒路逢白髮翁憔悴看魚笏

聞笛

昔在楚江上笛聲來夜舡江深魚龍動明月下高天

題嵩屏隱士

採藥緣山去彈琴傍澗居隱君多道意曾得茂陵書

吊節婦

白日松臺閔青山石槨沉空餘哭夫淚下入九泉深

題四皓圖二首

不聽高皇召還來大子宮阿嫂人勳禍吾恨紫芝翁  
鴻鶴歌雖壯長門事可憂間名紫芝客終不似巢由

蜀葵

風簾畫幕露庭曠含滋不見牧羝翁漢節空歲社  
崑州判官王善父家望岳亭

僧院蜀葵

眉目凜松桂肘腋凌烟霞終漸隱君子歸去西移家  
紫暈成丹景黃專綴絲幢何因女冠子却近老僧窓

問題樹葉上

秋意鳳城多涼飈素夜何題詩滿霜葉不見洞庭波

題子昂承旨墨竹

汲澗思連筒發舡思長篙春兩篔簹孫會長拂雲梢  
李夫人畫竹

夫人閨房秀手洒千畝雨不見蒼梧妃彈瑟瀟湘浦  
馬戶

日午吹烟起人家半是農賣田當保馬無禍過三冬  
桐江

青山圍縣郭碧樹出旗亭千里桐江水分明是醪醕  
朝歌

霧黯山沉樹風號路起塵朝歌醉王死周室又歸秦

墨竹扇頭

冰紈已却暑况此碧琳琅好伴玉麈尾涼颺滿高堂

山水圖

石壁雲生樹濤江雨閣舡居人屬仙籍長負免丁錢  
謝杏子

杏子黃金色筠籠出薊丘味甘醒午寢可是督詩郵  
乞扇二首

端午蒲葵扇郎官寫贈人如何老供奉不得障清塵  
紈扇裁團月當知織素人拓螢還有如障面却無塵  
李陵臺二首

故國關河遠高臺日月荒頗聞蘇屬國海上牧羝羊  
蹠林聞野祭漢室議門誅辛若樓蘭將淒涼太史書  
歐陽原功銘馮少府墓

畫鷹

古鼎刻龍文新銘少府君欲聞蒿里挽零露濕秋墳

側視窺霄漢低飛近草萊金鞞時一脫肉飽更須回

題猿圖

江渚無來鴈山樊有宿猿秋高靈橘熟巴月樹連村

送客西歸

陸機初入洛王粲却歸秦春草無愁思揚花送遠人

偶成

山中木葉落江上水波生自是年年事漁樵不必驚

黃河

塵海東南下雲山西北高黃流蕩中濤萬里費波濤

舟泊徐州

河發崑崙水天吹廣漠風徐州城下宿一日過淮東

真節馬氏

天上圓月對人間歡喜離千年哭夫處即是結禱時

節婦張氏

磨笄山月寒織素機石吟閨深鏡塵奩泉咽水結井

龍眠十六賢圖

林下石床方溪邊竹影涼高人千載意山水寄餘光

送邵從聖官臨淮四首

白髮滄洲叟今為漢戟郎逢君淮上去竚立看歸雁  
素月生淮浦青山對縣門勸農明府在種樹長兒孫  
春水淮魚美秋田楚稻香翰林多故事君莫棄書囊  
少小淮邊住蠟珠不易求同知新縣令齋馬問春疇

四愛圖 蘭蓮菊梅

湘纍能楚辭猗蘭為之佩千載得涪翁幽姿未憔悴  
瑩霄中含滋鮮彩外發藻晚紅詠池酣畫鉉歌岸裊

的應黃金華秋日媚堦徑南山種秫翁飲酒不得盡  
鐵色儘萬木江南梅有花枯蘚纏古錦明英冠春葩

獨石

秋瀨喧石梁臨流不肯渡與客坐忘歸山寒日將暮

題王氏樓二首

本樓臨曲水小盤背重城懶慢淮南客終須掉臂行  
乳燕穿花去倉鷺拂樹來淮天春又夏獨立意徘徊

七言絕句

節婦馬氏二首

織素鳴機曙未分寒風吹裂嫁時裙官家莫去催租賦

婦女無心刺綉文

老姑白髮垂肩短新婦青眉照鏡長四十年來門戶好  
風流今見兩兒郎

楊妃墓

漢廟衣冠照碧燐唐陵翁仲作黃塵馬嵬坡上棠梨樹  
猶占秦原幾日春

帥臣子劉宗道藏其父之詩請跋

將家子弟讀兵書欲斬樓蘭換印魚獨有劉郎偏醜籍  
何翁詩句作儲胥

鎖院獨坐書事口號七首

松門行屋無人到恰似蓬舟泊浪中午夜風聲敲雨點  
夢回錯認是漁翁

玉署之西松幾樹那知當日是誰栽若在山中濯雨霧  
更有鴛鴦無教來

蜀相功業少陵知萬古千秋更有誰灑水東流奏鳴咽  
褒中春草亦離離

東山百尺瀑布泉跳珠濺玉鳴夜弦綠樹冥冥野花落  
鶯啼春曙雨晴天

門前柳枝垂碧照閨中怨女惜春時剪衣自縫寄征鷹  
不對粧奩畫黛眉

洛陽酒債斗十千高樓青旗真可憐牡丹芍藥趁時賞  
王孫買笑擲金錢

吳娃梳粧趙女妬楚王置酒章華臺走馬還宮張夜樂  
誰知樂極却生哀

南城二首

城南牡丹一百本翰林學士走馬來渡水楊花逐飛燕  
剗中芳草送春迴

柔侯亭前花一園客來日日費金錢明朝碧樹春城合  
恨不江東問酒舡

與雙子子山郎中時祈雨長春宮

中郎齋沐醮星官風馬雲車下石壇深衣步虛詞更覺  
要將靈雨濕春乾

題劉伯宣挽詩

揚子橋邊水正波靡蕪秋草徧陂陀江潮日日風波急  
似為孤臣賦九歌

送文璋甫入蜀省幕

蜀國海棠紅似錦况在濯錦江水邊見君西去飲君酒  
恨無成都賣卜錢

慶陽

首着春原塞馬肥慶陽三月柳依依行人來上臨川閣

讀盡碑詞野鳥飛

驪山三首

繡嶺春來綠樹圓東風吹影入溫泉  
華清夢斷飛塵起玉鴈銜香墮野田

玉女泉邊翠藻多石池涵影媚宮娥  
可憐繡嶺啼春鳥猶似黎園弟子歌

華陰道士長松下留我煎茶看古碑  
衣上征塵都莫洗天風一夜為君吹

洛中二首

龍門三月洛波清正是花時過故京  
樽酒不來芳樹遠

碧雲初合暮山橫

東望梁園是故鄉懷歸夜々夢池塘  
春城碧樹淮南路飲酒當年似漫郎

河湟書事二首

陰山鐵騎角弓長間日原頭射白狼  
青海無波春鴈下草生磧裏見牛羊

波斯老賈度流沙夜聽駝鈴識蹶餘  
採玉河邊青石子收來東國易桑麻

七夕舟中苦熱

嘗憶銀床桐泣露更思玉枕蔗流漿  
天孫初嫁龍綃薄



却恐秋河入夜涼

戲馬臺

將軍一叱靡一作千人未可掀髯便笑秦枉築高臺閑  
戲馬漢王將地擬功臣

春日即事

梨花白罷海棠紅誰為韶光次第工小閣捲簾春事晚  
佇看蝴蝶過庭東

題携壺圖

席帽遮頭過野橋詩筒酒榼亦蕭蕭黔樓吟罷還清渴  
欲問先生借一瓢

歌風臺

祖龍無廟托孤魂羽泣妖姬死更奔獨有沛中隆準客  
歌風臺上望鄉村

集袁王二學士詩為首二句祖常足成之

石城月落鴉栖堞秋浦天清鴈拂簷春送亂紅浮酒面  
山飄空翠濕書籤

送與屯遂素副河南憲二首

絳闌雲低白晝遲芙蓉露下倚秋池船蓬打雨淇門岸  
却憶京華把酒卮

河下渾黃積石來大梁城下怒如雷今年宿麥深何許

使者行田看幾回

送胡古愚還越四首

越江秋水得霜清  
夜々天南婺女明  
客子布衣風又急  
世間無用是才名

北風吹鴈不成行  
客子江邊上夜航  
剡紙題詩三百首  
人來為我說錢塘

秋樹紅時客欲歸  
江寒潮小鷺空飛  
東陽有酒賒來飲  
莫問桐廬借釣磯

送客歸山天正霜  
吳江蟬羨橘初黃  
上林千樹櫻桃熟  
莫戀金華是故鄉

過故相宅二首

故相門闌草自春  
宅基一半屬他人  
可憐掉臂當時客  
盡似風吹路上塵

尾陸當簷燕不來  
白頭老妾賣花栽  
舊時小吏今身貴  
羞近門西上馬臺

題賈氏卷

風樹纏悲壑  
墓哀野人一日殺  
蒿萊雍門不用空  
彈淚  
曾見漢家翁  
仲來

題水仙花圖

帝子湘南住  
白珠苔生釵股  
織龍綃  
蕊香金粟誰分劑

閑園蘭苔上翠翹

龍眠畫馬

海國秋生漢使槎  
麝煤誰畫濯龍駟  
只今聖主如文帝  
留待時巡駕鼓車

孝子徐生卷

署表誰封孝子門  
徐生刲股兩新存  
翁孺白髮他年去  
相對含飴喜弄孫

閩浙之交五首

月出山頭犬吠雲  
隔林鍾磬鶴應聞  
老僧見客閑留坐  
風落松花滿寺門

閩嶠人居處畫圖  
客行只欲望京都  
荀興軋々相思嶺  
秋雨空蒙叫鷓鴣

九曲清溪下見魚  
雲林濯々對高居  
南朝文物今都盡  
惟有先生幾卷書

路入閩中盡翠微  
家々蕉葛作秋衣  
石墻遮竹松園屋  
時有丹禽哺子歸

山溪秋瀨急飛涼  
萬斛跳珠濺石缸  
閩女唱歌來漂宇  
素馨花插髻々雙

桐廬縣

江上艇歸暮雨疎  
山中木落草秋初  
天寒沽酒桐廬縣

醉擬嚴光絕漢書

致扇頭林隆晒書圖

腹笥便便貯五經  
天過夜半失文星  
蠹魚不覺芸香苦  
肯信腸中有汗青

出都至治元年春夏交二首

京塵冉冉歲華新  
重向都門問去津  
而日御山沙水晚  
通州城下雨沾巾  
潞水年年沙際流  
都人車馬到沙頭  
獨憎楊柳無情思  
送盡行人天未秋

雲坳亭

八月淮南鴈又來  
雲坳亭畔菊初開  
莫言野客渾無事  
臨水閑行日幾回

趙氏宗室畫水石

生平已識趙王孫  
竹素何年畫石根  
萬里南雲秋似水  
直容艇子到柴門

和王左司韵三首

仙官紫府醉霞觴  
不信人間白髮長  
走筆題詩三百首  
敲門先送大中郎

紫橐詞臣詠羽觴  
巴城十幅筆花長  
却嫌嗜酒楊雄惡  
苦向當年作戟郎

松醪灑之泛珠觴玉署承恩化日長阮籍一生都為酒  
步兵當與相輝郎

贈王左司二首

崇真仙酒初相送明日禪僧又見招那似中郎深閉閣  
終朝對雨寫甘蔗  
觥船送酒濕宮袍供奉新詞白雪高却念故人天近處  
奏書千牘坐東曹

上都翰院兩壁圖

寒江釣雪  
秋谷耕雲

欲賣韓家舊石淙釣魚竿底是寒江淮南十月蕪葭岸  
曾見水花到小窓

突兀秋雲不可耕槎牙老樹半枯榮上京玉署清涼鏡  
閑伴鰲峯作弟兄

調繼學左司

七字詩高畫不如直後龍領摘明珠朝行自避郎官貴  
豈是今朝見大巫

題左司帖郎中扇頭

縹禽閑上海棠枝彷彿江南二月時蘭署名郎心似水  
冰紈底事送涼颺

獨立

玉署涼生試袂羅堦庭新雨長青莎睡醒獨擬三都賦

不換人間瑞錦窠

題華嚴僧筠軒

李涉閑時過竹院  
雲郎行處賦筠軒  
山中兩閣畫含碧  
玄鶴飛來印石痕

誚燕二首

萬戶千門取意過  
御泥葺補舊時窠  
飛鳴上下潭無事  
只為新雛避雀羅

風雨池塘閉頡頏  
春來秋去一生忙  
世間多少寬閑境  
辛苦營巢傍屋梁

送焦德元先還大都監金經及省問家事二首

寒嶺松濤撼鳥窠  
歸人天際裏鳴珂  
冰盤丹果維摩室  
百斛金泥瀉貝多

到家紗縠已熏香  
浴罷披襟對晚涼  
千樹碧梧陰滿地  
不思仙館日偏長

送廬山周道士

崆峒移得三珠樹  
獨向江邊種未成  
南國祇應仙露少  
却來天上瀉金莖

送侯嵩亮

西南萬里青山路  
君在峨眉第幾重  
莫愛平羌江上水  
明年京國約相逢

贈道士謝草池

昨日西宮謝道士獨抱古琴歸洞房半晴半雨天氣潤  
不出山門秋晝長

五月芍藥

紅芍花開端午時江南遊客苦相疑上京不是春光晚  
自是天家日景遲

潘居士施飯

飯飽千僧洗鉢歸生臺飢鳥拂簷飛山中文室維摩高  
獨向長松掛衲衣

弘州孫同知禱雨

神龍分雨掣靈旗一夕銀河注野陂山下龜田禾黍滿  
州人歌舞太平時

駿馬圖

天馬西來入帝闕風駿霧鬣駭文班房星一夜光如水  
却愁龍媒萬里還

李伯時陽關圖

自古人生苦別離邊頭征戍更堪悲渭城客舍無楊柳  
閑愁當年李伯時

買閩侍郎父監宣城禱雨應

名郎文采動儀曹却是宣城有鳳毛聞說當年靈雨應

山田六月水連糟一作

驪山圖

萬戶千門春殿開  
溫泉花發翠華來  
可憐十月無陽節  
獨見浮波玉馬回

赤壁圖

三國周郎赤壁西  
江山雖好夕陽低  
他年銅雀分香妓  
猶恨回船戰炬迷

貢院次曹子真尚書韻四首

漢家東帛聘諸儒  
狗監何須奏子虛  
大比南宮誰第一  
白袍當殿賜銀魚

龍門雷鼓響豐隆  
百箭穿楊技不同  
大上河魚還繫水  
退飛宋鶴豈搏風

杏園三月換銀袍  
燕子西飛背伯勞  
賦罷長楊傳唱急  
天門金榜日華高

紅綾餅啖出宮闈  
賜宴恩榮玉殿西  
白髮詞臣曾射策  
榜名欣見武都泥

第一場觀進士入院

畫省春風滿禮闈  
綵繒雙表日曛  
文章筆橐三千士  
爛熳奎星近太微

和史恭政韻日錄作殿試和事恭政韻



五雲天近畫香殘紅白花枝滿藥闌一夜東風吹小雨  
殿頭持卷隔簾看

題道安舒貴和扇

吳蚕八繭素絲多乞與天孫織扇羅冰雪地清天不暑  
月中仙子種杪樾

宋高宗書光武度田圖

漢家自有雲臺像誰取丹青畫度田宋主欲興江左業  
却將書字送長年

流鶯

喬木繁陰書景舒檀栾綠色滿堦除京都三月花飛盡

流鶯一轉初

暑雨

涼生紗縠玉秋清雨氣霏々滿鳳城湖上荷花雲錦爛  
不能臨水一開行

沛縣水村

霜氣漸寒河未冰野雲抹空起層々略約橋邊沽酒市  
夜深篝火看魚罾

淮上初見吳牛二首

五年衣上屬車塵自向澄江一洗新長角吳牛尾黑色  
仰鳴知我是耕人

獨愛江邊黑牡丹新編龍具不知寒春來高價如金貴  
背上童兒爾好看

雨霽

五月天街雨霽時千門楊柳綠參差日斜暑氣清如水  
手拂雲光下鳳池

官曹供水

方冰一尺石盤光冰玉流澌每出作上方何但竹林堪  
避暑京華白日似年長

蜀道士歸儒

青城羽客燒丹罷要近東家問六經却笑山陰痴道士

白鷺關覓寫黃庭

題柯敬仲乃父手澤

三十昂藏一丈夫阿翁手澤宛如初梁園奏賦雙枝健  
趙括室能讀父書

功德使三旦八歲英宗皇帝所賜御書中有御  
制詩云月色清吾心日光照吾民十字大哉君  
人之言也又云明仁殿書賜旦謹贊詩四句于

後

英宗朝坐明仁殿賜旦新書日月中河漢昭回光氣在  
樓涼空抱小臣弓

畫牛二首

龍具春來掛屋簷  
清泥過腹雨耕勞  
田間獨仰聽風鼻  
不信空山野兒號  
江岸騎牛撥棹翁  
夕歸對婦詫田功  
世間無客曾相識  
惟見鷺飛幾鷹鴻

丁卯上京四絕

山雨晴時已是秋  
苑中行殿日華浮  
長楊十萬旌旗宿  
不使飛霜入畫樓  
離宮秋草伐頻移  
天子長楊羽獵時  
白鴈水寒霜露滿  
騎奴猶唱蹋歌詞

海國名鷹畫鵝胎  
漉漉天馬是龍媒  
明時不惜黃金賜  
只欲蕃王萬里來

持橐詞垣已賜金  
對衣侍拜更恩深  
何如坐索長安米  
只有詩歌滿翰林

贈故人

短檠曾共雪窗書  
誰謂西河久索居  
青眼忽逢人更好  
白頭相見意何如

參議府坐贈左右司郎官

西曹東一作清峻東曹劉綠水  
紅蓮兩幕開  
獨有議郎官  
似我手持書字近三台

寄王師魯

久憶辟雍王博士新詩不寄一篇來  
忽逢驛使天邊去欲折梅花恨未開

春風御馬圖二首

龍種拳奇十二閑進來新自玉門關  
連錢赭白生珠汗天子長揚羽獵還

春風揚柳華山陽肥澤都能照地光  
天下太平無汗血還堪立仗事君王

樞府書事

官冰一尺石盤光丹果秋來雨後香  
幸喜太平書檄少

坐聞清露滴清商

蔡琰圖二首

胡月還如漢月圓龍堆沙水咽哀絃  
文姬此夕穿廬夢應到春閨舊鏡前

蜀歌誰唱木腸兒頗念中郎哭女時  
衛霍不生陵不死望鄉臺畔盡相思

贈溫迪罕平章致仕二首

射虎原頭白草秋將軍年少已封侯  
老來髀肉都消盡無柰黃狐上野丘

玉帶金魚舊相臣集仙殿裏寄關身  
長安三月花如錦

對酒休愁白髮新

昭君

旃車百輛入車中不恨千金買畫圖爭似山中插花女  
傍家只嫁一田夫

御溝春日偶成四首

御溝流水曉潺湲直似長虹曲似環流入宮牆才一尺  
便分天上與人間

拍水春波滿玉溝酒濃花艷柳枝柔江海空有文如錦  
不得千金買莫愁

春波十頃碧琉璃白日樓臺照影時好為畫舫都載酒  
半酣西望碧參差

水南沙路雨清塵桃李花開蛺蝶春三月京華寒食近  
東風十里酒旗新

題黑竹

山雨瀟瀟濕翠旌雲中仙度鳳吹笙苔衣坐滿空林石  
放鶴歸來獨自行

題徽政院畫壁

脉脉晴光度硯池午寒冬暖日光移畫屏十幅丹青古  
山水亭臺是處宜

寒林積雪圖

畫角樓前初一疊  
隴山寒色已飛雪  
樹槎鱗皴老龍立  
青林何年烟雨濕

送天錫秀才

月宮丹桂三千樹  
都是嫦娥手  
自我誰折一枝  
江上種秋風不到也  
花開

道士塔下生竹

渭川淇園有閑地  
如何曲屈在丹房  
應是葛陂化龍種  
空教詩客詠貧簞

道士山房

高梧疎竹清秋裏  
過鴈流雲細雨中  
石蘚漫階連碧藟

肉芝緣壁長丹紅

鶴索詩引頸長鳴  
戲以答之

一替清唳九臯秋  
竹裂松搖不自由  
老衲彈琴來度曲  
翻、沙水枕門流

趙中丞折枝圖

牡丹 石榴  
芙蓉 山茶

洛陽春雨濕芳菲  
萬斛胭脂染舞衣  
帳底金盤承蜜露  
東家蝴蝶不須飛

乘槎使者海西來  
移得珊瑚漢苑栽  
只待綠陰芳樹合  
蕊珠如火一時開

館娃宮裏醉西施  
不覺秋生水殿時  
酒病却嫌丹粉惡

畫角樓前初一疊  
隴山寒色已飛雪  
樹槎鱗皴老龍立  
青林何年烟雨濕

送天錫秀才

月宮丹桂三千樹  
都是嫦娥手自栽  
誰折一枝江上種  
秋風不到也花開

道士塔下生竹

渭川淇園有閑地  
如何曲屈在丹房  
應是葛陂化龍種  
空教詩客詠篔簹

道士山房

高梧疎竹清秋裏  
過鴈流雲細雨中  
石籜漫階連碧綺

肉芝綴壁長丹紅

鶴索詩引頸長鳴戲以答之

一聲清唳九臯秋  
竹裂松搖不自由  
老衲彈琴來度曲

翻沙水枕門流

趙中丞折枝圖

牡丹  
芙蓉  
石榴  
山茶

洛陽春雨濕芳菲  
萬斛胭脂染舞衣  
帳底金盤承蜜露  
東家蝴蝶不須飛

乘槎使者海西來  
移得珊瑚漢苑栽  
只待綠陰芳樹合  
蕊珠如火一時開

館娃宮裏醉西施  
不覺秋生水殿時  
酒病却嫌丹粉惡

洗妝天上影娥池  
火齊珠紅拂翠翹  
石家步障曉寒消  
千枝脂炬燒春夜  
羯鼓催花打六么

代悼亡為陳云嬌作

燕子樓空花不開  
綉簾天晚月初來  
手痕留在紅牙板  
猶有餘香妬落梅

調虞伯生

聞君傑直奎章閣  
朝馬偏從小海過  
衣上落花紅雨滿  
馬鞍柳絮更如何

次王叅政延福宮韻八首

五粒松脂下石廡  
山花春鳥拂簷飛  
道人自煮青精飯  
得仙方上馬歸

仙子新開白鶴亭  
畫雲十二列山屏  
簾光香轉涼颺細  
坐對南華問大庭

蕊珠宮闕畫雲扉  
么鳳桐花白日飛  
冰水藕絲清暑宴  
偷桃方朔醉忘歸

唐家漲水望雲亭  
三月千花隔障屏  
不似仙人華綠洞  
雙笙吹鳳五芝庭

太乙神來月轉扉  
石壇秋冷葉初飛  
丹方可是無消息  
遼鶴千年始一歸



道士南來說敬亭  
雲林千疊翠  
光屏寫書更問瀛洲叟  
衆日丹牀滿後庭

翠瓦金鋪白玉扉  
松階五色鳳凰飛  
夢中不覺神仙境  
却是彤庭得奏歸

草玄誰到子雲亭  
莫笑童烏短似屏  
學士橫經趨虎觀  
將軍躍馬出龍庭

宿相府閑題二首

宮垣北對大長秋  
官醞瑤餅漱灑浮  
王府白頭老中尉  
興來求酒不須謀

揚花宛轉燕初飛  
江上春歸客未歸  
官府晝長官事少

鳳池人遠見還稀

題吳娃圖二首

金蓮燭下看蛾眉  
應是吳王半醉時  
一自館娃宮壞後  
仙魂都上落花枝

千兩金盤浴小兒  
玉釵雙墮燕差池  
綉窠白日無針線  
却笑羅敷不畫眉

秋鴈送客

千里清淮秋鴈飛  
山人歸去芟荷衣  
明時莫怨身無用  
獨向天南占少微

雜賦四首

水村山店屋橫斜行盡長淮恰到家  
雨風六十年光多少在天涯

空江木落月輪高千里清光見羽毛  
喚起長年夜吹笛右持杯酒左持螯

古城猶說漢期思土蝕苔墻楚相祠  
乞得寢丘人不寐千里一作泚水入荒陂

寒雲漠漠暝烟深溪上檀栾有樹林  
魁子回時雙打醬却如賀老在山陰

到家

山房百本梅花發盡是先生手  
自裁不似旗亭楊柳樹

迎人未了送人回

鷺鷥

比翼鷺鷥金縷衣沙頭雙立對晴暉  
情如愛此清江水不向南湖北澗飛

宋徽宗畫嬋

秋橙黃後凋庭霜郭索橫行自有匡  
十里女真鳴鐵騎宮中長畫畫無腸

道士彈琴圖

龍門千尺高桐樹天上移來石上栽  
斲得春雷鳴玉澗青鸞黃鶴一時回

送王秀才南歸

梁園賦雪漢枚舉不去江南左把螯聽得吳舡溪上紫  
恨無青竹截長篙

贈盧應奉

五更風雨送春歸人向天涯念別離忽得參差楊柳句  
還如張緒少年時

吳宗師送牡丹二首

仙家分得上林春淺白深紅間色勻  
走送隣翁還有意  
恐隨風雨落風塵

十五年前花發時仙翁邀賞醉珠池  
如今頭白無情思

只見瑤池花滿枝

寄王繼學

八詠樓高風月清故人持節駐江城  
老來不覺似多病  
華髮隨身處處行

題墨梅

花開不占洛陽春野店山橋雪月新  
豈是歲寒偏偃蹇  
還愁金谷墜樓人

題舒真人鶴峯

山中道士常題詩柿葉千層寫好詞  
不見籠鴛空揖去  
此生學老可離他

楊村

霜明野水曉粼粼，蘆葉黃時少白蘋。  
舡上忽逢吳客子，牽衣雙手拂征塵。

絕句 三首

春雲五色建章西，流水平橋兩岸低。  
客子年光偏易失，御溝楊柳又鶯啼。

一春不得見花開，何況飛紅墮酒杯。  
今日城南花萬樹，看花不肯放春回。

九陌初晴拂紫埃，春衣花滿趁春回。  
丫丫小女相傳語，昨日堂前燕子來。

雜詠

林石蒼々歲暮天，花禽竹鶴占苔錢。  
欲知丞相園亭好，自斫溪藤付釣舡。

畫竹

海霧溟濛暗珠浦，宮雲杳靄連玉田。  
借力重截十二管，吹引鸞鳳都下天。

姚子中墨竹

高堂秋聲星滿河，玄雲洒雨參差多。  
江中頭角蛟龍子，夜風裂石將如何。

舟中送干同知朱縣丞南歸 二首

青天鶴子秋風骨飛來鳩鵲觀上鳴留得高聲滿京國  
又將雲影過江城

青山白鳥坐中沒渭樹江雲別後思四海同年幾兄弟  
知君日有寄來詩

絕句十六首

儂家姑蘇閭門外能唱春風白紵詞為君艷歌三五曲  
只愁別後苦相思

吳王蓮宮夜張樂急管哀絃翠簾幙可怜西子眉少顰  
坐使長洲百花落

西江畫舸販鹽郎白紵輕衫兩袖長不肯一錢遺貧士

却嫌雙玉買歌媢

維舟夜泊青泥渚楊柳千行八九家長年三老作吳語  
喚我烏紗角半斜

十歲馳騎北地子八歲善酒越人孫魯國家學絃誦  
西方在講沙門

天上冰蚕白雪熱裁成紙扇好題詩南風恰住西風起  
莫道班娘有怨詞

閨門靜聽山鳥■蒙籠草樹弄晴光田田野塘流細水

始見幽苔浴斜陽

初嫁郎時正成年畫眉黛顏闌輝媚只知百歲尋房窠

誰料君恩不似前

月竈茶林混翻倒香爐經卷鶴爲看一片孤雲無侶伴  
此君得々下仙壇

綠樹交陰亂鳥啼花工次第入紅葵日長棋局誰相釋  
睡起茶醅我亦宜

南溪荷花漲雲錦北堤楊柳絆晴烟留連禪客與詩客  
飄泊魚艇與酒艇

江南女兒年十五兩鬟々々面粉光小紅艇上採蓮葉  
北客初來應斷腸

盈々小客抱琵琶歌錄王孫帝子家彈得開元教坊曲

金錢選只當泥沙

道人何愛青山住爲愛青山有雲樹一聲樵斧白雲由  
幾个山禽自飛去

翡翠明珠載盡艇黃金腰帶耳環穿自言家住波斯國  
只種珊瑚不種田

角東賈客錦花袍海上新收翡翠毛買得吳船載吳女  
鄰門日々醉春醪

戲卷王總學

金錢賭酒夜走馬玉帶贈客春看花山東少年貴公子  
年々塞北慣風沙

閑題二首

視草堂  
白晝遲瀛洲仙子到來時  
閣鈴不響文書靜  
相對螯峯日賦詩

上京七月燕雛飛  
紫菊花開露入衣  
雨霽關河秋意滿  
南都應望翠華歸

薛玄卿華山隱二高道士過訪不及見

南城道士供朝飯  
借馬凌塵去趁鍾  
北館羽衣還覓棧  
歸來自掃雪行蹤

再答薛玄卿并謝墨二首

京塵冉冉朝天馬  
辟穀仙人竹滿齋  
自寫烏絲吟白紵

好風吹我到無懷

崇真宮裏秋風起  
海上人來見隱君  
留得麝煤三百劑  
天邊呼伴散玄雲

李老峪

李老峪中山繞  
屋半空嵐翠撲  
人衣倚窓不睡  
夜將靜  
欲倩松風送我歸

鷗窩

山中騎馬又連朝  
秋雨初收暑尚驕  
誰借星橋橫兩頂  
天風吹動髮蕭蕭

孟陽逸士

洛陽季子一裘弊東郭先生兩履穿  
秋雨清泥過馬腹  
長鑿白柄斲山田

憶江南

江上鱸魚三尺長  
蓴羹千里入舡香  
人家石岸都平水  
媚嫵吳娃出後堂

載酒堂

春來海國荔枝紅  
都屬儋州禿髮翁  
載酒堂高天地小  
風流豈在百年中

寄示男武子

爛熳天孫織錦機  
春風吹雨洗芳菲  
香泥滿地臘脂濕

只許新來燕子飛

訪栢堂宗師不遇

修竹庭深犬吠門  
蕭蕭蘭若似山村  
主人賣藥城中去  
落葉聲乾鶴夢喧

寄栢堂

金水橋西天竺寺  
一來一度石苔新  
劉郎莫怨玄都觀  
去後桃花見主人

寄吳宗師謝古篆

黃帝外臣仙籍史  
名香遠寄白雲峯  
山人焚罷談玄理  
散作仙霞一萬重



題柳道傳詩卷

九曲珠穿蟻度然雙環鏡透月輪野人間自有鴻鸞侶  
早奏蕭韶見鳳儀

次韻王繼學二首繼學前身乃楚州僧

淮地瞿曇候夙姿今生記得未生時轉羞薛荔無真說  
却訝芙蓉似近時

三伏涼京酒醖同分飛鴻鴈怨秋風誰知上店前霄月  
只在靈全草屋東

題扇面

兩汀對出寒蘆折一鳥高飛古木疎無影無聲何處鴈

與田叔來寄人書

明月亭

霜寒江渚生秋影星繞天河下露聲歸鴈夕陽佳句好  
題詩應自愧平生

挽道士危公遠二首

紫皇朝坐靈芝宮羽人往奏新宮銘笙簫不下鶴一去  
蓬萊洲上種黃精

海風吹折三珠樹蛻骨胎仙上赤霄石室丹經塵不隔  
道人他又一作臨寫一作甘蔗

送牟景陽三首

江東艇去載丹橘天北人來問碧雲知是故家書滿室  
茗溪他日約平分

清袍孺士嘆淹留詞賦相如亦倦遊桂樹山中生滿石  
借艇同去覓滄洲

龍虎山邊是上饒山中羽服盡逍遙春來筍蕨應無數  
况有仙家送酒瓢

和李彥方七首

海碣盤一楫一作帝鄉東華日近見龍光太常馬惡愁

齋酒曹務休分騎省郎

寄書日一問滄洲莫打江鷗與海鷗春水滿溪畦稻一秋

洛陽花好不須遊

乞得閑官出謁遲讀書更不讀韓非京華楊柳千門日

何處鳴蟬飲露肥

龍門八節奏雲和竹管新聲心恨多好向都城傳滿紙

聯翩雕績過陰何

梁鴻杵臼址即思百里令人賦廣慶王謝堂一燕好

營巢了後更無為

百花落地蜂翅閑萬樹生陰鶯語闌海船水遠求玳瑁

玉田石上長琅玕

李白新裁柿葉書都人傳寫到天餘題詩崔顥今重見

老蚌含珠對望舒

桃花馬

白毛紅點巧安排  
勾引春風上背來  
莫解雕鞍橋下浴  
恐隨流水泛天台

馬石田文集卷第四